



Basa legala

Quest reglament se basa sin:

- art. 28, art. 68 ed art. 96 dalla [Lescha da scola cantunala](#) dils 21 da mars 2012 e
- las [Directivas concernent absenzas, congedi e dispensaziun da l'instrucziun](#) dils 11 da december 2017 relaschadas dil DECA

art. 1 Principi

- L'instrucziun ei da visitar regularmein e punctualmein ed astga buca vegnir munchentada senza motiv urgent.
- Ins astga denton inoltrar damondas per activitads ch'ei buca pusseivlas d'exequir el temps liber. Il cumportament (Uorden disciplinar ed Uorden da scola) e la tenuta da lavur vegnan risguardai per consentir la lubientscha d'ina damonda.

art. 2 Absenza

absenza a cuorta vosta cun ORIENTAZIUN	absenza a liunga vosta cun ORIENTAZIUN	absenza a cuorta vosta cun DAMONDA	absenza a liunga vosta cun DAMONDA
<ul style="list-style-type: none"> malsogna accident incl. viseta urgenta tiel miedi ni dentist prighels¹ 	<ul style="list-style-type: none"> termin tiel miedi termin tiel dentist termin tier in'istanza officiala² 	<ul style="list-style-type: none"> mort ni/e sepultura³ survetsch da messa 	<ul style="list-style-type: none"> activitad ch'ei buca pusseivla el temps liber fuffernadi

¹ relaziuns da vias, bovas, lavinas etc.

² Cussegliazion da professiun, Survetsch psicologic da scola, Psichiatria d'affons e giuvenils etc.

³ relaziun persunala cuagl affon

art. 3 Proceder ella primara

En cass da dubi sa l'istanza superiura vegnir integrada. La direcziun da scola sto vegnir informada da mintg'absenza cun damonda.

absenza a cuorta vosta cun ORIENTAZIUN	absenza a liunga vosta cun ORIENTAZIUN	absenza a cuorta vosta cun DAMONDA	absenza a liunga vosta cun DAMONDA
<ul style="list-style-type: none"> orientar la persuna d'instrucziun da classa (telefon) orientar il pli tard avon che l'instrucziun entscheiva la materia munchentada vegn cumpensada 	<ul style="list-style-type: none"> orientar la persuna d'instrucziun da classa (telefon) orientar il pli baul pusseivel la materia munchentada vegn cumpensada 	<ul style="list-style-type: none"> dumandar la persuna d'instrucziun da classa (telefon) dumandar il pli baul pusseivel la materia munchentada vegn cumpensada 	<ul style="list-style-type: none"> tochen 2 dis: damonda alla pdi da classa (formular⁴) 3 - 15 dis: damonda al cussegl da scola (brev⁵) sur 15 dis: damonda agl inspectorat da scola (brev⁵) la materia munchentada vegn cumpensada

⁴ formular en pupi / 20 dis avon l'absenza / decisiun entras la persuna d'instrucziun da classa e cun la direcziun da scola

⁵ brev en pupi / 20 dis avon l'absenza

art. 4 Proceder ella superiura

En cass da dubi sa l'istanza superiura vegnir integrada. La direcziun da scola sto vegnir informada da mintg'absenza cun damonda.

absenza a cuorta vesta cun ORIENTAZIUN	
avon l'absenza	sunter l'absenza
<ul style="list-style-type: none"> orientar il pli tard avon che l'instrucziun entscheiva: <ul style="list-style-type: none"> telefonar al secretariat (era pusseivel da tschintschar sin la pindella) sut il numer da telefon 081 936 33 04 	<ul style="list-style-type: none"> emplenir l'absenza el carnet d'absenzas (sut <i>orientaziun</i>) consignar il carnet d'absenzas alla persuna d'instrucziun da classa La scolara/Il scolar s'annunzia tier tuttas persunas d'instrucziun per cumpensar la materia munchentada.

absenza a liunga vesta cun ORIENTAZIUN	
avon l'absenza	sunter l'absenza
<ul style="list-style-type: none"> orientar il pli baul pusseivel: <ul style="list-style-type: none"> emplenir l'absenza el carnet d'absenzas (sut <i>orientaziun</i>) consignar il carnet d'absenzas alla persuna d'instrucziun da classa La scolara/Il scolar s'annunzia tier tuttas persunas d'instrucziun per cumpensar la materia munchentada. 	<ul style="list-style-type: none"> La scolara/Il scolar consigna la materia cumpensada a tuttas persunas d'instrucziun.

absenza a cuorta vesta cun DAMONDA	
avon l'absenza	sunter l'absenza
<ul style="list-style-type: none"> dumandar il pli baul pusseivel: <ul style="list-style-type: none"> emplenir la damonda el carnet d'absenzas (sut <i>damonda</i>) consignar il carnet d'absenzas alla persuna d'instrucziun da classa La scolara/Il scolar s'annunzia tier tuttas persunas d'instrucziun per cumpensar la materia munchentada. 	<ul style="list-style-type: none"> La scolara/Il scolar consigna la materia cumpensada a tuttas persunas d'instrucziun.

absenza a liunga vesta cun DAMONDA			
avon l'absenza			
cuoz dalla damonda	fuorma		
tochen 2 dis	damonda alla persuna d'instrucziun da classa decisiun entras la persuna d'instrucziun da classa e la direcziun da scola	emplenir la damonda el carnet d'absenzas (sut <i>damonda</i>)	20 dis avon l'absenza
3 – 15 dis	damonda al cussegl da scola	brev en pupi	20 dis avon l'absenza
sur 15 dis	damonda agl inspectorat da scola	brev en pupi	20 dis avon l'absenza
<ul style="list-style-type: none"> La scolara/Il scolar s'annunzia tier tuttas persunas d'instrucziun per cumpensar la materia munchentada. 			
sunter l'absenza			
<ul style="list-style-type: none"> La scolara/Il scolar consigna la materia cumpensada a tuttas persunas d'instrucziun. 			

art. 5 Attest dil miedi

En cass d'absenzas repetidas, d'in'absenza da liung cuoz ni en cass da dubis sa la scola pretender in attest dil miedi.

art. 6 Damonda per in fuffergnadi

Ei sto vegnir inoltrau in mussament dil menader da fatschenta che demuossa:

- a) ch'il fuffergnadi ei necessaris per survegnir ina piazza d'empredissadi ni
- b) ch'il fuffergnadi ei sulettamein pusseivels durant il temps da scola.

art. 7 Surpassament

Geniturs che tarmettan buca regularmein lur affons a scola ni che cunterfan a quei reglament, san vegnir puni cun in castitg da maximalmein frs. 5'000. La persuna d'instrucziun da classa e la direcziun da scola ein obligadas d'annunziar absenzas nunlubidas al cussegl da scola. Davart il castitg decida il cussegl da scola.

art. 8 Recuors

La representanza legala sa far recuors tier l'istanza surordinada enteifer 10 dis suenter la comunicaziun d'ina decisiun.


Il Cussegl da scola ha approbau quest reglament ella sesida dils 30 d'avrel 2022. Quest reglament remplazza il reglament signaus ils 8 da fenadur 2014 ed entra en vigur cull'entschatta digl onn da scola 2022/23.

Per il Cussegl da scola

la presidenta


Erica Cavegn

il vicepresidente


Baseli Tomaschett